

摘藻堂四庫全書薈要

集部

欽定四庫全書薈要

集部

劔南詩藁卷六十四

詳校官助教臣謝登雋



欽定四庫全書薈要卷一萬五千五百五十四

集部

劍南詩藁卷六十四

宋 陸游 撰

養疾

齒耄嬰新疾才衰減舊名短筇扶蹇步小院愜幽情卜

叟言灾退醫翁賀胠平飯香炊糲稬羹美醺蕪菁菊頽  
寒猶小楓林曉漸頽清詩披客贄佳著指僧枰家塾燈  
前課村陂雨外畊從今尚何事賴此遣浮生

客從城中來

客從城中來相視慘不悅  
引盃撫長劍慨歎胡未滅  
我亦為悲憤共論到明發  
向來酣鬪時人情願少歇  
及今數十秋復謂須歲月  
諸將爾何心安坐望旄節

算秋中夜起坐次前韻

東吳秋令遲得雨亦良悅  
中庭有流螢烈風吹不滅  
披衣起坐久鼓角參差發  
西成雖作勞農事亦漸歇  
老怯歲律殘俛仰忽九月  
蟋蟀鳴壁間媿汝知時節

閒遊

白石床平偶小留青芸屨穩復閒遊微丹點破一林綠  
淡墨寫成千嶂秋竹院頻分齋鉢飯苔磯時把釣魚鉤  
要知此老神通否二十年來不識愁

自規

老疾今俱至艱難亦備更箇中無障蔽何處欠光明一  
日能用力三年亦有成修身在我爾勉勉盡餘生

所謂  
三年

有成者豈  
獨為國哉

自笑

學道功賒歲月馳平居自笑著鞭遲安心未竟夜饒夢  
與世雖疎秋尚悲藥圃幽尋芒屨濕棊枰慙戰角巾欵  
只愁今夕西窗夢又買長筒到古郛

泛舟至鏡湖旁小市

久著朝衫負此湖扁舟剝喜補東隅市樓合樂醅新熟  
寺壁殘詩字欲無常日不堪愁宛轉此行猶得笑須臾  
夕陽鷗鷺皆相識更覺人間是畏塗

懷舊

身是人間一斷蓬  
半生南北任秋風  
琴書昔作天涯客  
簑笠今成澤畔翁  
夢破江亭山驛外  
詩成燈影雨聲中  
不須強覓前人比  
道似香山實不同

道院述懷

學道已非生死流  
極知心外更何求  
理窮性盡命亦至  
氣住神全形自留  
大藥一爐真度世  
孤桐三尺可忘憂  
故人怪我歸來晚  
太華峯頭又素秋

又

八十年前一炷香依然餘習未全忘舊緣入靜多扃戶  
近為精思別置床篝火古鐺煎檜蜜汲泉小瓮釀松肪  
老翁正似遼天鶴更覺人間歲月長

秋雨

雨滴何由止人眠不復成雲深無雁影村近有砧聲草  
草殘年夢寥寥後世名太山并螳垤俱向酒中平

又



秋晚兼旬雨雨晴當有霜頗思遊近縣亦已戒輕裝珍  
釵披繖美寒醅撥雪香菊花常歲有所喜及重陽

聽雨

髮已成絲齒半搖燈殘香盡夜迢迢天河不洗胸中恨  
却賴檐頭雨滴消

畏事

畏事偷安百不能飯蔬聊得曲吾肱舊交夢裏時時見  
宿疾秋來日日增遣悶自鉏幽圃藥扶衰猶賴故溪藤

不因顧見鬚髯影全是深山退院僧

刈穫後書事

鄰里西成例少蘇貧家生業得徐圖雖非五鼎豈無食  
未辦複禪猶著襦牢羶漸肥堪奉祭耕牛已買不求租  
却思流落天涯日要是家居勝道途

又

耄歲誰知困不蘇每虞黠鬼笑狂圖陶公老去但濁酒  
管老歸來惟白襦不遂兒童覓兼味且隨鄰曲了殘租

細思自有欣然處高謝人間九折途

秋夜五鼓初起坐堂上至旦

蒸鬱不可過開門星滿天身還倚藤杖手自酌巖泉雞  
唱猶相續鷓鴣飛忽已翩事隨朝日出佳思復茫然

習嬾自咎

習嬾多遺事時能害睡眠  
糴驕殘竹筍鼠橫齧床氈  
獨子巡離落狸奴護簡編  
人間有俊物求買敢論錢

雨夜枕上作

雨點滴我心雨氣傷我魂但憂草廬破敢思布被溫市  
廬酒如山不濕老瓦盆天其遂吾心窮死三家村

晚飯後步至門外並溪而歸

徐行摩腹出荆扉掠面風尖酒力微市步空船迎荻去  
湖隄輕擔賣魚歸潺潺沙竇鳴殘水莽莽平蕪襯落暉  
商略最關詩思處滿村砧杵搗秋衣

文章

文章如弈棋分量固有極學不盡其才識者為太息古

來名世士亦或墮此域至今讀其文曷嘗不追昔士生  
千載後夙慕當自力如其不能然歸哉事畊織

枕上口占

白首區區道未明故山悔不蚤歸畊勇如搏虎但堪笑  
學似累綦那易成殘雨墮簷時一滴老雞棲樹已三鳴  
村居孤寂知何憾兩耳猶勝聽市聲

乙丑九月三日晚久雨驟晴西南新月如玉鈎重  
陽以八月置閏菊花粲然滿園喜甚作一絕記之

初三新月見如期重九黃花又及時俱是人間稱心事  
典衣一醉更何疑

寓歎

蕭疎殘髮數莖絲勝負渾如未算碁萬里旌旗無昨夢  
一簑煙雨有新詩潛消暗換人誰在小醉閒眠我自奇  
二十四年能幾許汾陽回首亦成癡

村興

結宇楓林下久窮吾所安村深事自簡累少食差寬雨

閤牛眠屋泥深鴨滿闌呼兒擣粉餌準擬賽鄱官

夜聞埭東賣酒鼓聲譁甚

烏柏森疎照溪赤寒鴉翩翩蔽天黑鮮鱸出網重兼斤  
新蟬登盤大盈尺年年此際清霜夜飯罷讀書聲滿舍  
豈惟父子講家學亦有朋儕結經社誰令屠沽聚里中  
鼓聲終夜聒老翁嗚呼安得寐無聰不但杜老左耳聾

燈下晚飧示子適

家貧短衣不掩胷空庖淒淒竈不爨老翁八十忍饑熟

兀坐空堂日常旰今年閏餘九月寒那敢遽議南山炭  
艱難幸復致一殮舖歆燈前百憂散適子挾冊于于來  
時與老翁相論難但令歆向竟同歸門前籍湜何憂畔  
秋晚書懷

七澤三巴日月長即今萬事付茫茫結廬窮僻新知少  
屬疾沉綿舊學荒中夜飯牛初上阪千年化鶴復還鄉  
自憐尚覺身為累剩蓄荆薪待雪霜

又



頽然兀兀復騰騰萬事惟除死未曾無奈喜歡閒弄水  
不勝頑健遠尋僧喚舩野岸橫斜渡問路雲山曲折登  
却笑吾兒多事在夜分未滅讀書燈

初寒

久雨重陽後清寒小雪前拾薪椎髻僕賣菜掘頭舩薄  
米全家粥空牀故物擅身猶付一畝名字更須傳

掘頭舩見

張志和詩

黃昏小雨中  
斲憩蒼頭在  
傍云初未嘗得  
瞑予乃

甚適若熟寐者作五字記之

人看初無寐形勞幸少休夢魂雖栩栩鼻息未齁齁輕  
若風中絮浮如水上漚死生君了否試向此中求

乾道之初卜居三山今四十年八十有一感事抒  
懷

乾道之初結草廬三朝六見紀元初年光拋擲雖加倍  
生計蕭條愈不如目暗欲盲停夜課髮殘無幾怯晨梳  
市聲風便猶聞耳未死終當更徙居

視東臯歸小酌

築陂下麥晚歸來圍火烘衣始此回但得諸孫傳素業  
真無一事挂靈臺井桐葉落垂垂盡籬菊殘續續開  
不負初寒蟹螯手床頭小瓮撥新醅

又

少年誤計慕浮名更事方知外物輕身誓生生辭祿食  
家當世世守農畊授時堯典先精讀陳業豳詩更力行  
最好水村風雪夜地爐煙暝歲豬鳴

梅市道中

去去浮官浦悠悠數客檣  
蓼花低蘸水楓樹老經霜  
簫鼓迎神鬧鉏耰下麥忙  
城西小市散歸艇滿斜陽

又

雨暗山陂路人喧古渡頭  
廟垣新畫馬村笛遠呼牛  
買飯諳爭席迎潮競解舟  
平生苦吟處又送一年秋

古寺

秋草荒無路來遊感廢興  
殘僧僅粥飯古像冷香燈  
扶

病驚重到題名記昔曾自量難笑汝一歎倚枯藤

夢中作

繫馬朱橋上酒樓樓前數水拍堤流春風又作無情計  
滿路楊花輓雪球

又

大慶橋頭春雨晴行人馬上聽鶯聲祥符西祀曾迎駕  
惆悵無人說太平

舟行魯墟梅市之間偶賦

短髮蕭蕭久挂冠江湖到處著身寬  
蓼花不逐蘋花老桐葉常先槲葉殘  
未卜柴荆臨峭絕且謀簞笠釣荒寒  
閒人尚媿沙鷗在始信煙波得意難

衰疾

衰疾文離負聖時猶能采菊傍東籬  
捉衿見肘貧無敵聳膊成山瘦可知  
百歲光陰半歸酒一生事業略存詩  
不妨舉世無同志會有方來可與期

惜昔

偶見張安國周子充劉韶美王景文陳德召  
任元受遺集為之感愴作長句紆悲不知涕

泗之  
集也

憶昔高皇絀柄臣招徠賢雋聚朝紳寧知遺恨忽千載  
追數同時無一人羶骨九原應已朽殘書數帙尚如新  
此身露電那堪說也復燈前默愴神

雨後寒甚

陂澤連山脚風煙接海濱孤鴻悲遠客殘菊伴陳人酒  
盡瓶枵腹爐寒客曲身老翁殊耐事一笑自回春  
入冬病體差健而貧彌甚戲作

乞骸自喜脫風塵北陌東阡負耒身夢裏相逢無豎子  
面間時出有真人閒憑曲几還終日不出衡門動過旬  
送老齏鹽君勿笑天教成就一生貧

蜀漢

憶昔遨遊蜀漢間駸駸五十尚朱顏呼鷹雪閣天回路  
采藥雲迷御愛山舊事已無人共說征途猶與夢相關  
夕陽不覺憑闌久待得林鴉接翅還

新開小室



並檐開小室僅可容一几東為讀書窗初日滿窗紙衰  
眸頓清澈不畏字如螳琅然絃誦聲和富有稚子餘年  
猶幾何此事殊可喜山童報炊熟束卷可以起

初冬絕句

鱸肥菰脆調羹美麴熟油新作餅香自古達人輕富貴  
例緣鄉味憶還鄉

又

道途冬暝衣裘省村落年豐鼓吹喧下麥種麴無曠土

壓桑接果有新園

即事

雲起山容改潮生浦面寬  
寒鷗先雁到烏柏後楓丹年  
邁狐裝帽時新豆搗糲非  
關嗜溫飽更事耐悲歡

又

遜居無外事白日不勝長  
詩為窮差進琴雖老未忘  
映窗精試墨閉閣苦畱香  
年少無相誚功名事更狂

又

日上小窗東禽鳴高樹中樂哉容膝地著此曲肱翁香  
迺常遲散兒來亦旋通所慙貪坐睡鉛槧少新功

又

紙潔晴窗暝粳新午飯香嗜眠為至樂省事是奇方孤  
蝶弄秋色亂鴉啼夕陽詩情隨處有信筆自成章

又

井稅無餘負川原已飽犂樵歌歸市步帆影過河堤野  
實丹兼漆村醪蜜與壺雖云有豐約不廢醉如泥

又

還鄉吳語熟伏枕越吟悲接客寒溫簡過鄰几杖隨獨  
嗟親舊少不覺歲時移陌上人爭看風歆白接離

閒吟

閒吟可是治愁藥一展吳牋萬事忘不惜暮年訓偈絕  
猶能作意畱秋光

自遣

衣冠尚作閒身崇梁肉終非退士宜惟有褐裘并豆飯

尚能相伴到期頤

記乙丑十月一日夜夢

夢裏江淮道上行解裝埽榻喜新晴店門邂逅綈袍客  
共把茶甌說養生

又

旋糴街頭米數升黃昏看上店身燈明朝山路聞饒石  
買得烏驃喜不勝

縱遊

人事元知不可諧  
名山路破幾青鞵  
百錢拄杖無時醉  
一鋪隨身到處埋  
驛壁讀詩摩病眼  
僧窗看竹散幽懷  
亦知詩料無窮盡  
燈火蕭疎過縣街

村居書事

過門車馬誰曾入  
寒路蓬蒿不復鋤  
雨漏日惟支敗屋  
鼠餘時自緝殘書

又

矮餅煮粥猶難繼  
小甑蒸糕豈解常  
偶得鹽醯便豪侈

晨飧滿舍野蔬香

又

架橋築路村翁事裂網伸鉤老嫗心自笑年來足衰態  
軒昂故步嬾重尋

又

書收鼠齧猶堪讀柿拾鴉殘亦自甜動念不如姑省事  
智謀老健恐難兼

又

修身世世詩書業營利明明市井人安得後人俱自好  
百年門戶本來貧

又

文辭苦思徒妨睡官職虛名不療飢垂老始知安樂法  
紙鳶竹馬伴兒嬉

湖堤算歸

出郭並湖無十里我歸蟹舍過魚梁川雲蒼白不成雨  
汀樹青紅初著霜俗孝家家供菽水農勤處處築陂塘



樂哉追逐鄉三老半醉行歌詠歲穰

題榻本姜楚公鷹

憶昔呼鷹塞草枯妖狐狡兔笑談無  
明窗見畫空三歎恍若霜郊遇獵徒

又

弓面霜寒斗力增坐思鐵馬蹴河冰  
海東俊鶻何由得空看縣州舊畫鷹

書巢五詠

銅之在人間細大各有境散為五銖貨聚作九牧鼎天祿興辟邪乃復參泓頴致用孰相須寒泉出金井

右硯滴

古者貝為貨庶物賴以通後世貴銅臭退處書几中楮生借光輝文字傳亡窮言利古所羞孰謂汝不逢

右研蠶

時來偶見收過時自當退豈惟裁紙尾亦或用牘背人情有貴賤志士感興廢庫中九萬張視我猶前輩

右故紙

驚膠擣松煙成此金石姿雖以剛故折挺特終不移微  
功在簡冊敢惜身蹈危雖非破硯文永世亦有辭

右折墨

銅壺受五升中貯太古醇相從亦已久一朝委流塵我  
豈少恩哉白頭乃如新誰知矮道士亦作斥仙人

右空酒壺

感遇

仕宦五十年終不慕熱官年齡過八十久已辦一棺結  
廬十餘間著身如海寬此外皆長物簡去心始安稱意  
多怒嗔易可出難難我無狐白裘短褐亦禦寒

又

士方貧賤時藜藿若不足一朝得富貴奴僕饜梁肉大  
截食亞夫空器餽荀彧何如茆檐下父子共饘粥我生  
有至願世世謝寸祿有子復有孫無榮亦無辱

又

人之所甚患饑渴與寒暑粗免則已矣過計安用許自  
奉非其分三彭將嫉汝寓形天壤間大抵皆逆旅但能  
飽菜根何地不可處堂堂七尺軀切勿效兒女

又

我以善勉汝汝謂出訾毀置之不復言意又不能已為  
善如築臺成功由積糸中休猶不可況本無基址未言  
破萬卷日且讀十紙學雖在力行要是從此始

又

我初居三山同里數十人尊酒相勞苦言辭亦諄諄去  
來四十年皆成塚中塵子孫雖或存敗屋賣作薪此亦  
何罪哉不過坐一貧我幸未至此亦復拙謀身無飯可  
哺汝觸目成悲辛

又

人與人為徒事我蓋有緣司晨與警夜異類亦可憐舐  
糠啄遺粒要使全其天人則當教誨見善或能遷盛怒  
姑小忍雖蒲豈非鞭事過我亦喜陶然送流年

幽興

老向浮生意漸闌飄然俟死水雲間龜支牀穩新寒夜  
鶴附書歸舊隱山無意詩方近平淡絕交夢亦覺清閒  
一端更出淵明上寂寂柴門本不關

題詹仲信所藏米元暉雲山小幅

俗韻凡情一點無開元以上立規模鏡湖老監空揮淚  
想見楚江清曉圖

徽宗見元暉楚江清曉圖大加賞歎

又

一棹朝南暮北風奇峰倒影綠波中定知漸近三山路  
認得漁翁是放翁

詹仲信以山水二軸為壽固辭不可乃各作一絕  
句謝之

策蹇渡橋春雨餘亂山缺處草亭孤不知何許丹青手  
畫我當年入蜀圖

右春山

雪嶼梅村一徑斜  
茆檐煙火兩三家  
眼明見此幽栖地



却恨吾廬已太奢

右雪山

有所懷

鏡裏形模日夜衰  
三峰師友久睽離  
芝房又失耘鋤候  
丹劑常思沐浴時  
雷雨未成龍起晚  
海天無際鶴歸遲  
午窗一鉢青精飯  
揀得香薪手自炊

自嘲老態

世念秋毫盡渾如  
學語兒得床眠易  
熟有飯食無時紗

帽簪花舞盆池弄水嬉從今轉無事靜坐不吟詩

十月十四夜夢與客分題得早行

蓐食寒燈下脂車小市侑驛門猶淡月街樹正清霜觸  
目關河異興懷道路長丈夫當自力雙鬢易蒼蒼

紹興中予初仕為寧德主簿與同官飲酒食蠟房  
甚樂後五十年有餉此味者感歎有賦酒海者大  
勸盃容一升當時所尚也

昔仕閩江日民淳簿領閒同寮飛酒海小吏擘蠟山夢

境悠然逝羸軀獨爾頑所嗟晨鏡裏非復舊朱顏

病中雨夜

蹭蹬今如此沉緜不復支心隨形共頓年與智俱衰雨  
急孤燈暗雲深斷雁悲舊書空滿架惆悵負明時

讀呂舍人詩追次其韵

士生始從學取友實先務吾聞諸古人傾蓋有如故漢  
宮長生藥至取雲表露治身當何如而受一塵汚

又

有過當相規有善當相告豈惟定新交亦以篤舊好勢利古所羞置之勿復道霜實萬木凋孰秉歲寒操

又

少壯如昨日忽已及耄期舊友散莫收亦復少新知言

歸鏡湖上日日醉東籬自笑如寒蝶裴回殘菊枝

東籬予小

圖名

又

道士成金丹青雲可接翼小夫豈知此危坐學數息如

持一畚土自謂河可塞生不遇碩師幾何不自賊

又

三沐復三薰佩玉懷明珠何至不自珍欲效豕負塗傳  
呼雖甚寵正可誇羣奴君看魏徵孫世世為農夫

庵中晚思

小庵摩腹獨彷徨俗事紛紛有底忙雲影忽生鷗蔽日  
雨聲不斷葉飛霜經綸正復慙伊傅雜駁猶能陋漢唐  
卷盡殘書窗已晚笑呼童子換爐香

枕上

熒熒地爐火煮藥土床前  
高帝老朝士長安舊少年  
松高露時滴城遠鼓猶傳  
拋擲百年事且安殘夜眠

冬夜

杞菊家風有自來  
充饑藜糝不盈盃  
雲迷野渡一聲雁  
雪暗山村千樹梅  
宴坐何妨面菴壁  
長吟且復畫爐灰  
歲殘尚恨新春遠  
欲挽天邊斗柄回

雜興

陋巷無心長草萊柴門偶自不曾開  
餘齡漸迫諸孫長徂歲將窮積雪來  
旦欲燎衣無宿燼算思頽頽但空壘  
孰知自有忘憂處遠坐新書正作堆

又

此身漂蕩等流槎又向江村送歲華  
急雨遇寒凝作雪明燈無炮結成花  
座懸鏡古森毛髮甌聚茶香爽齒牙  
況是貧家多樂事阿開漸學手吒叉

劍南詩藁卷六十四



欽定四庫全書薈要卷一萬五千五百五十五

集部

劍南詩藁卷六十五

宋 陸游 撰

稽山行

稽山何巍巍浙江水湯湯千里亘大野勾踐之所荒春  
雨桑柘綠秋風杭稻香村村作蟹簖處處起魚梁陂放  
萬頭鴨園覆千畦薑春碓聲如雷私債逾官倉禹廟爭  
奉牲蘭亭共流觴空蒼看競渡倒社觀戲場項里楊梅

熟采摘日夜忙翠藍滿山路不數荔枝筐星馳入侯家  
那惜黃金償湘湖蓴菜出賣者環三鄉何以共烹煮鱸  
魚三尺長芳鮮初上市羊酪何足當鏡湖瀹衆水自漢  
無旱蝗重樓與曲檻歛澹浮湖光舟行以當車小繖遮  
新粧淺坊小陌間深夜理絲簧我老述此詩妄繼古樂  
章恨無季札聽大國風泱泱

贈論命周雲秀才

周郎頎然市中隱精神卓犖秋天隼忽來過我論五行

袖出詩卷如束筍人生一息不自保況我耄期真待盡  
君今盛為談未來我亦聽之俱可輟雖然此心猶未泯  
何至死去同蠢蠢地下不作修文郎天上亦為京兆尹

自嘲

受福元無一羽輕豈知造物假餘生抱疴不死躋高壽  
遇亂能全見太平投渚斷鴻常自閔營巢倦鵲固難成  
棄除亦有堪慙處記誦文辭誤得名

自寬

兀兀空齋靜掩扉  
篝爐香細著秋衣  
簷頭殘雨晴猶滴  
欄角羈雲晚未歸  
支枕口和心共語  
挑燈形與影相依  
卷書未覺唐虞遠  
知我何妨舉世稀

唐虞

唐虞雖遠愈巍巍  
孔氏如天孰得違  
大道豈容私學裂  
專門常怪世儒非  
少林尚忌隨人轉  
老氏亦尊知我稀  
能盡此心方有得  
勿持糟粕議精微

幽事絕句

死生歸有命榮悴出無心苔井閒磨劍松窗自斲琴

又

矮紙來吳下長毫出宛陵自書霜夜句持寄剡中僧

又

昨日風掀屋今朝雨壞牆雖知炊米盡不廢野歌長

又

煙畦朝斲藥雪澗夜淘丹仄徑何曾嶮單袍不覺寒

又

新傳服氣訣舊喜步虛吟兒女不難棄雲山何處深

又

客生聞吠犬草茂有鳴蛙日昃方炊飯秋深始采茶

寄題廬陵王晉輔先輩桂堂

楚人記草木桂在椒蘭中我懷小山句妙絕窮化工  
唐人作山水亦以桂配松丹葩間綠葉錦繡相疊重  
不知始何時巖桂開秋風楚人所稱者委棄等蒿蓬  
嗚呼各有時士豈怨不逢我作桂堂詩廣子雲夢胸

寄題王晉輔專春堂

堂前皆種牡丹

三月風光不貸人，千紅百紫已成塵。  
牡丹底事開偏晚，本自無心獨占春。

鼠屢敗吾書，偶得狸奴捕殺無虛日。  
羣鼠幾空為賦此詩。

服役無人自炷香，狸奴乃肯伴禪房。  
晝眠共藉床敷暝，夜坐同聞漏鼓長。  
賈勇遂能空鼠穴，策勛何止洞魚腸。

魚殮雖薄真無媿，不向花間捕蝶忙。

道士李勝之畫捕蝶獅貓以譏當世

讀唐書忠義傳

志士慕古人忠臣挺奇節就死有處所天日為無色大義孰不知臨難欠健決我思杲卿髮可配嵇紹血

病後作

骨相坐一寒仕宦經百謫晚入文昌省又坐煩言嘖詔書復收召付以大典冊期年甫奏篇皇恐亟自劾歸來稽山下三食新穫麥草屨布帑襦徒步老阡陌今年疾屢作恍若將歸客道士言犯土拜章安舍宅巫言神去



幹翦紙招魂魄把臂忽自悟此豈屋漏脉盡去囊中藥  
默觀鼻端白正氣徐自還鬼子何足磔

山中

草閣留雲宿溪橋引鶴行身閒詩曠逸心靜夢和平石  
乳無時滴松肪徹夜明山中足幽趣不是傲公卿

夜思

風埽浮雲作快晴窗聲終夜雜簾聲月明滿院鵲驚起  
霜冷壓栖雞嬾鳴名字虛稱舊朝士門庭元是老書生

尚餘一事猶堪喜北陌東阡醉太平

晨起

晨起梳頭雪滿膺可憐衰與病相棄浮名何足欺橫目  
真樂聊須付曲肱仕有俸錢渠亦好退無耕壠我何憑  
具牛力盡殊堪閔買犢東村恨未能

老態

破榼愁春近空困畏日長頭風便菊枕足痺倚藜床冉  
冉殘年逼悠悠萬事忘有兒堪晤語無客亦何妨

又

寡欲貧何損無才老更宜  
挂牆多漢刻插架半唐詩  
飯已頻摩腹兒來暫解頤  
尚悲吳蜀遠未免故人思

謂張季長

枕上

夜雨一再作燈前獨詠詩  
影看孤鶴瘦吟答斷蛩悲  
幽夢悠然覺清笳何足吹  
殘年猶幾日已矣媿明時

贈過門道人

朝行市塵中奔馬不可及  
算涉清溪流芒屨了不濕  
巖

扉一丹竈山路兩書笈白驢可置掌童子亦絕粒邂逅  
安期生電逝不暇揖太華獨嶷然萬仞道傍立

道院雜興

江上霜風吹肉巾東歸不獨為吳萼埽除長劍華纓夢  
收拾孤飄短棹身勾漏丹砂開竈晚商顏芝草滿山春  
東封敢擬迎鑾仗且作行歌陌上人

又

征途暗盡舊貂裘歸卧林間喜自由體倦尚憑書引睡

心安不假酒攻愁丹爐弄火經年熟竹院聽琴竟日留  
今日理髯還一笑白間時有黑絲抽

又

早歲知聞久已空歸然猶有灞城翁東樓誰記傾春碧

敘州蓋古戎州也有東樓廚醞  
本名重碧范至能易為春碧

北嶺空思擘晚紅

北嶺在福

州予少時與友人朱景參會嶺  
下僧舍時秋晚荔子獨晚紅在

冉冉流年霜鬢外累累

荒塚綠蕪中琳房何日金丹熟老鶴猶堪萬里風

又

龜堂有叟富神通白髮何妨兩頰紅先取山川來掌上  
却移天地入壺中鶯花不老非塵世風月常新奪化工  
近作東籬君未見一尊少住莫怱怱

山村經行因施藥

閒行偶復到山村父老遮留共一尊曩日見公孫未晬  
如今已解牧雞豚

又

耕傭蚕婦共欣然得見先生定有年埽灑門庭拂床几

瓦盆盛酒薦豚肩

又

兒扶一老候溪邊來告頭風久未痊  
不用更求芎藭輩  
吾詩讀罷自醒然

又

驢肩每帶藥囊行  
村巷歡欣夾道迎  
共說向來曾活我  
生兒多以陸為名

又

逆旅人家近野橋偶因秣蹇暫消搖村翁不解讀本草  
爭就先生辨藥苗

歎老

身歷遭回事萬端天教林下養衰殘文編似是他人作  
書卷如曾隔世觀久已悠悠置恩怨況能一一記悲歡  
牀頭周易真良藥不是書生強自寬

即事

禿尾驢嘶小市門側蓬帆過古城村此生感慨知何限



斗酒新豐不足論

又

草木食更何求穴處巢居過即休尚恨未能全省事  
一竿風月釣滄洲

自賀

胎髮茸茸綠映巾歸耕猶是太平民流觴內史招同社

扛鼎將軍與卜鄰

弊居去蘭亭  
項里皆甚邇

曾冠六鰲非俗吏已開

九秩是陳人一盃剗約梅花醉又見開禧第二春

天氣作雪戲作

八十又過二與人風馬牛深知老當逸孰謂死方休細  
衲兒羅襪奇溫古貝裘閉門薪炭足雪夜可無憂

家風

春耕秋釣舊家風門巷荒寒屋壁空四海交情殘夢裏  
一生心事斷編中買魚日待攜籃女裹藥時從挾麓翁  
俗謂買藥為裹藥便廢閒吟亦未可吾徒豈獨坐詩窮

十二月二日夜夢遊沈氏園亭

路近城南已怕行  
沈家園裏更傷情  
香穿客袖梅花在  
綠蘸寺橋春水生

又

城南小陌又逢春  
只見梅花不見人  
玉骨久成泉下土  
墨痕猶鏤壁間塵

江干

霜晴忽念到江干  
小蹇羸童路已乾  
骨相豈能當富貴  
鬢毛聊喜耐悲歡  
客途冬暝衣裘薄  
村市年豐酒醖寬

殘臘卽今無十日剗求芹蓼助春盤

獨行過柳橋而歸

寒雲覆江干慘慘雪欲作草枯狐兔見鷹隼方縱搏老  
翁卧蓬戶疾痛在腰脚忽覺意稍佳快若解束縛呼童  
扶下堂西出度略約浮波見鳬雁決起驚烏鵲籬根犬  
迎吠碓下雞俛啄霜餘桑葉積春近柳枝弱徐行過倚  
舍醉笑盛醕酢歲暮農事休羨爾羣飲樂

戲遣老懷

平生碌碌本無奇況是年垂九十時阿囡略如郎罷老  
穉孫能伴太翁嬉花前騎竹強名馬階下埋盆便作池  
一笑不妨閒過日歎哀憂死却成癡

又

清羸正怯倚闌干紗帽還驚半指寬日漏雲端纔欲暝  
風催梅信又成寒尋僧竹院逢茶熟引鶴溪橋及雪殘  
只道捐書差似達庖丁數紙尚須看

又

兒時萬死避戈兵，敢料時清畢此生。  
已迫九齡身愈健，熟觀萬卷眼猶明。  
深深小塢梅初動，漱漱清溪水欲平。  
安得飄然從此逝，緱山風月聽吹笙。

又

舊襲家風號散人，晚承恩詔賜閒身。  
放狂泥酒都忘老，厚價收書不似貧。  
霜曉方驚羣木脫，春晴又喜一花新。  
先生偶出人難遇，陌上爭先看角巾。

又

本意歸來老故丘  
閉門飯足尚何求  
閒雲一片自舒卷  
幽鳥數聲相應酬  
但得有書時到眼  
正令無酒亦忘憂  
東籬偏仄纔尋丈  
已敵征西萬戶侯

對鏡

歲月雖遒邁  
形容未苦癯  
髮如新沐潤  
顏似半酣朱  
書讀常終卷  
山行亦却扶  
悠悠隨日過  
不復歎頭顱

晨起

客枕畏霜氣  
曉窗收月痕  
芸芸萬物作  
皎皎一心存  
老

已忘開卷貧猶力灌園兒孫能繼此亦足報君恩

吾年過八十

吾年過八十久已棄朝簪化蝶有殘夢焦桐無賞音溪  
聲喧夜旦野色變晴陰欲講平生學茫然不可尋

又

八十又過二自言名放翁斧斤遺壽櫟雲海寄冥鴻酒  
挂驢鞍側詩投藥笈中灞城逢薊叟共語莫匆匆

述志



椎牛醺酒千人帳  
破浪凌風萬斛船  
常恨書生無此快  
一生低首短檠前

又

新豐買酒慰無聊  
衝雪騎驢上灞橋  
老尚堪吞獅子  
松風何至羨山苗

排悶

吹盡梅花了不知  
化工也誤老人期  
離離新草隨愁出  
漠漠餘寒與睡宜  
古錦一聯吟舊句  
文楸數著理殘碁

波生澄澗君何怪  
禪榻從來映鬢絲

舟中作

林麓重重霧雨昏  
扁舟晚過郡南門  
鑄金越相遺祠古  
執玉塗山王氣存  
官道蒼茫多水驛  
客遊飄泊厭風飭  
剡中此去無多地  
會約支公聽斷猿

丙寅元日

縹緲初聞寺閣鐘  
霏微零雨兆年豐  
家家椒酒歡聲裏  
戶戶桃符霽色中  
春枕方濃從賣困  
社醅雖美倦治聾

從今萬事俱拋擲且作人間百歲翁

新晴

夜雨空塔滴到明山雲忽歛作新晴門前月淡有檐影  
牆外泥乾無屐聲與世日疎愁易遣入春得暝疾差平  
便當剗作滄洲趣寄語沙鷗勿敗盟

新歲

改歲鍾馗在依然舊綠襦老庖供餽飫跣婢暝屠蕪載  
糗送窮鬼扶箕迎紫姑兒童欺老瞶明燭聚呼盧

簡邢德允

邢子襟靈舊絕塵爾來句法更清新  
淡交喜得山栖友傑作疑非火食人  
豈但僕奴看屈子直須塗改到生民  
與君兩世交情厚剗欲燈前對角巾

簡蘇邵叟

君家文獻歷十朝魏公我冕加金貂  
孫支得君愈雋發貴名突兀凌煙霄  
居吳入蜀三十載諸公孰能折簡招  
澗松意氣極磊砢天馬毛骨何超遙  
鼎來行卷十九首

緱山明月間吹簫沉香亭畔未須說想見風雪上灞橋  
老夫誦之羣玉府學士如堵不敢驕爾來一編愈妙絕  
粲若新霽瞻斗杓出為龍首子何有老穿豹尾我亦聊  
湖邊酒樓無十步胸次蕙蕙思同澆

東村

信脚村墟路歸來日未西波清魚隊密風小鵲巢低白  
水初平岸青蕪亦徧犁市墟多美酒飯具不須齎

新厯歎

新厯在手心怕開日月聯翩相續來黃金散盡自一快  
白髮不貸真可哀無為健羨廣成子千二百年終有死  
膠不可黏西去日刀何由翦東流水酒無醇醑但痛飲  
市醞上尊俱醉耳堂堂七尺死即休不飽烏鳶飽螻蛄  
雪中

忽忽悲窮處悠悠感歲華算雲如潑墨春雪不成花眼  
澀燈生暈詩成字半斜殘尊已傾盡試起問東家

又

春晝雪如筵清羸病起時跡深驚虎過煙絕閑僧饑地  
凍萱芽短林寒鳥唳遲西窗斜日晚呵手歛殘棊

早春出遊

微雲薄靄新晴後小蓋輕輿古道遥林杪幽禽初學囀  
牆陰凍雪未全消酒壚日暮收清旆市步人歸擁畫橈  
欵帽捫髯常半醉逢人誰與話無慘

又

人生何適不難難賴是胸中萬斛寬尺宅常朱那待酒

上池頻飲自成丹  
楚祠花發呼舟去  
禹穴雲生倚杖看  
更有新春堪喜事  
一村簫鼓祭蚕官

東籬

東籬深僻嬾衣裳  
書卷縱橫雜藥囊  
無吏徵租終日睡  
得錢沽酒一春狂  
新營茅舍軒窗靜  
旋煮山蔬匕筯香  
戲集句圖書素壁  
本來無事却成忙

又

漫道深居晝掩關  
東籬栽接不曾閒  
每因清夢遊敷水



自覺前身隱華山花發時時攜綠酒客來往往羨朱顏  
藥爐安著猶無地擬展茅茨一兩間

又

東偏隙地作疎籬遇興無非一笑時陪客投壺新罰酒  
與兒鬪草又輸詩山桃溪杏栽俱活藥饒漁竿動自隨  
家事猶令罷關白固應黜陟不曾知

村市醉歸

明時乞得水雲身白首扶衰又見春橫木門幽謝來客

獨轅車小避行人湘湖水長純絲滑蘭渚泥融箭茁新  
處處酒壚皆可醉不辭微雨墊吾巾

村夜

入春雨雪無休日雨止猶陰未快晴萬竅怒號風不定  
半輪斜照月微明百年辛苦農桑業五處睽離父子情  
但得平安已為幸孤燈殘火過三更

時子虞調官行在  
子龍阻風西陵子

修在閩子坦在海昌  
子與子布子適守舍

旅思

百病集殘骸閒遊且散懷  
旅裝如遠役蔬食似長齋  
買藥停山步求醫過縣街  
春寒殊未已閉戶夜燃薰

對酒作

憑閣風吹帽穿林雨墊巾  
相呼十日飲不負百年身  
陌上金羈馬墳前石琢麟  
於吾竟何有笑殺武陵人

遊東村

露草衡門曉風松一塢幽  
新春有佳日老子得閒遊  
鷗為忘機下魚緣得計  
浮歸途無遠近一葉亂漁舟

晨起

老境真無事深居每畏人  
喔咿雞失旦姪姪鳥鳴春  
過檐饑餒白擎盤  
粧新出門還可喜一笑語比鄰

夢中作

世事何由可控搏故山歸卧有餘歡  
澗泉見底藥根瘦石室生雲丹竈寒  
人遠忽聞清獻起山開頻得異書看  
一朝出赴安期約萬里煙霄駕紫鸞

春雨

片片紅梅落纖纖綠草生無端夜來雨又礙出門行

又

春陰易成雨客病不禁寒又與梅花別無因一倚欄

又

胸懷阮步兵詩句謝宣城今夕俱參透焚香聽雨聲

又

疎點空塔雨長明古殿燈廬山岑寂夜我是定中僧

村店

水汎輕搖檝山行穩跨驢朝晡半晴雨閭里雜樵漁野  
鶩浮寒浦饑鴉集老樗店家看壞壁忽見昔年書

久雨薪炭食飲俱不繼戲作

澤國春饒雨書生老益貧固難誇練炭亦豈擇勞薪鹽  
盡纔供算醞微尚惱鄰人嗤信書誤癡絕望常珍

溪上

偶就澄溪照幅巾蘭亭遺韻想清真功名不入山林夢  
詩酒猶關老病身萬事只增思魯歎百年常媿避秦人

超然聊喜高情在手挈長條貫細鱗

謝君寄一犁春雨圖求詩為作絕句

說著功名我自羞喜君解劍換吳牛莫將江上一犁雨  
輕博人間萬戶侯

又

老農雖瘠喜牛肥回首紅塵萬事非耕罷春蕪天欲暮  
小舟衝雨載犁歸

二月一日夜夢

夢裏遇奇士高樓酣且歌霸圖輕管樂王道探丘軻大  
指如符券微瑕互琢磨相知殊恨晚所得不勝多勝算  
觀天定精忠壓虜和真當起莘渭何止復關河陣法參  
奇正戎旃相蕩摩覺來空雨泣壯志已蹉跎

新晴

寂寂房櫳鳥雀聲薰籠茶竈正施行繁花滿樹春纔半  
斜日穿雲雨乍晴引睡書橫猶在架圍棋客散但空枰  
病懷莫道傷幽獨小榼芳醪手自傾



又

桂冠湖上遂吾初捫腹消搖適有餘羹煮野蔬元足味  
屋茨生草亦安居市壚分熟通賒酒鄰舍情深許借驢  
更喜新晴滿窗日籤題重整一牀書

望永思陵

高帝中興萬物春青衫曾忝綴廷紳仕為將相却常事  
年及耄期能幾人早幸執父觀北伐晚叨秉筆記東巡

歸畊沉復蒼梧近鬱鬱長瞻佳氣新

紹興末駕幸金陵  
游適在朝列淳熙

末上命羣臣齊集文華閣  
修高宗實錄游首被選

燈下小酌

江湖雙鬢禿宇宙一身窮  
酒浪搖輕碧燈花落碎紅  
交情元易見春事半成空  
尚覲身強健煙畦擷芥菘

春遊

杏花天氣喜新晴  
白首書生樂太平  
小陌鞦韆雖隔世  
名園被袂尚關情  
山林自古流觴地  
絃管誰家送酒聲  
莼菜鱖魚初滿市  
莫將羊酪敵南烹

又

窮愁終日竟胡為老健人間自一奇  
每駕柴車遊古寺  
間騎竹馬伴羣兒  
登臨蘭渚流觴地  
蘭亭本名蘭渚  
蕭散孤泉  
冷澁時練布單衣  
白羽扇路傍人總道相宜

春日雜賦

羈懷病思正厭厭  
詩卷漁竿信手拈  
老境何嘗忘一笑  
春風也解到窮閭  
殘花滿地無餘萼  
新筍掀泥已露尖  
轉老轉窮君勿笑  
熊蹯魚腹豈容兼

又

鬢毛八九已成霜  
此際逢春只自傷  
苦雨不容花抵敵  
餘寒猶賴酒禁當  
退紅衣焙薰香冷  
古錦詩囊覓句忙  
堪笑散人閒事業  
西窗容易又斜陽

唐樂府云床上小  
薰籠韶州新退紅

又

江湖放浪水雲人  
藥物枝梧夢幻身  
移竹南窗初試筍  
埽花北陌旋成塵  
窮忙自笑常終日  
老健猶能不負春  
未遂初心惟一事  
乞薪賒米惱吾鄰

又

乞得身歸剡曲邊  
衡門茅舍共蕭然  
向來誤計守書冊  
此日遣愁無酒錢  
俗客妬閒來衮衮  
流年欺老去翩翩  
梨花楊柳清明過  
且向江頭剩放顛

又

人生覓飯元多術  
最下方為祿代耕  
脫却朝衫猶老健  
快如苦雨得春晴  
鳥聲頻喚五更夢  
花氣頓醒三日醒  
最喜晨興聞剝啄  
吾兒書札到柴荆

悲歌行

讀書不能遂吾志屬文不能盡吾才遠遊方樂歸太早  
大藥未就老已催結廬城南十里近柴門正對湖山開  
有時野行桑下宿亦或慟哭中途回檀公畫計三十六  
不如一篇歸去來紫駝之峰黑熊掌不如飯豆羹芋魁  
腰間纍纍六相印不如高卧鼻息轟春雷安得寶瑟五  
十絃為我寫盡無窮哀

梅市算歸三山

日日蠻童佩一壺  
壺乾時亦復村酤  
橫林露塔遠猶見  
算靄籠山淡欲無  
綠浦例憑菰作界  
畫橈常遣鷺前驅  
此身元是滄浪客  
敢學高人乞鏡湖

龜堂偶題

文章何物求渠力  
詩亦安能使汝窮  
春水一池花百本  
此生未易報天公

又

細肋卧沙來左輔  
巨螯斫雪出東吳  
不知一飽摩便腹

得似茅檐薺糝無

泛湖

白鷺雙飛導我前  
自疑身是水中仙  
放舟漢客樵風裏  
擲釣秦皇酒瓮邊  
山寺雲間傳講鼓  
漁家浦口起炊煙  
箇中得意君知否  
買盡煙波不用錢

劍南詩集卷六十五





總校官庶吉士臣張能照

校對官編修臣裴謙

謄錄監生臣劉銓瑛

欽定四庫全書薈要

集部

劍南詩藁卷十六

六七

詳校官助教臣謝登雋



欽定四庫全書薈要卷一萬五千五百五十六

集部

劔南詩藁卷六十六

宋 陸游 撰

園中作

疎籬圍中庭野水赴方塘  
春雨路易乾徐步蹋夕陽  
豔豔紅杏梢忽已占年光  
我老來日短乃復不自量  
接花待其成鄰里共笑狂  
萬事孰能料社櫟老不僵  
磊磊盤中果安知不獲嘗  
作詩遣閒愁一笑無留觴

寄題求志堂

古人不輕出出則堯舜其君民古人不輕隱隱則坐使  
風俗淳孰知後世乃不然唐虞日遠如飛煙異端欲出  
六籍上裔夷直居中夏先窮居求志達行道儻不塞責  
真負天士固不可苟富貴顧亦豈可徒貧賤如其一念  
有媿心寧不終身戴慙面老夫少年鐵鑄硯欲窺聖門  
終未見祝君勿恃來日長八九十年如掣電

贈過門道人

賣藥人間兩屨輕  
飄然雲水不論程  
曉經浦口亂流渡  
夜宿山家乘月行

春晚

門巷蕭條老病侵  
春晴方快又春陰  
啄吞自笑如孤鶴  
導引何妨效五禽  
雨洗杏花紅欲盡  
日烘楊柳綠初深  
雛鷺寧有平生舊  
也傍茆檐送好音

又

村巷泥深晝掩門  
倚闌搔首一消魂  
花經風雨人方惜

士在江湖道更尊  
擘浪忽看魚對躍  
入雲時見鶴孤鶩  
向來莘渭今安在  
歎息誰能起九原

梨花

開向春殘不恨遲  
綠楊窳地最相宜  
征西幕府煎茶地

幅邊鸞畫折枝

宣司靜鎮堂屏  
上有邊鸞梨花

又

粉淡香清自一家  
未容桃李占年華  
常思南鄭清明路  
醉裏迎風雪一杈

又

嘉陵江色嫩如藍  
鳳集山光照馬街  
楊柳梨花迎客處  
至今時夢到城南

農桑

農事初興未苦忙  
且支漏屋補頽牆  
山歌高下皆成調  
野水縱橫自入塘

又

水長人家浸稻秧  
蠶生女手摘桑黃  
差科未起身無事

鄰曲相過日正長

又

采桑蠶婦念蠶飢  
陌上恩恩負籠歸  
却羨鄰家下湖早  
畫船青繖去如飛

又

蠶如黑螳稻青鍼  
夫婦畊桑各苦心  
但得老親供養足  
不羞布袂與蒿簪

自嘲



野叟身常雜傭保第圃荒庭自鋤掃小兒畊養莖莖足  
大兒游宦垂垂老朝餐未破百甕壘晚餉猶存兩困棗  
春粳但備翁作糜儲帛纔堪孫裂襦賢愚元自一王尊  
癡鈍寧論萬馮道可憐對客猶自矜談道能令君絕倒

春晚

寂寞又過桃李時東園微雨草離離破困食外有餘粟  
殘髮白中生黑絲小疾已能忘藥石餘年寧復問蒼龜  
飾巾待盡從來事閉戶燒香更不疑

又

正見山陂草木芽  
狂風忽埽萬枝花  
病懷久已忘春事  
老眼猶能惜物華  
枕上有詩頻自改  
尊中無酒不妨賒  
昔人漫道傷幽獨  
野鶴分巢即是家

閉戶

乞身林下養衰殘  
閉戶寧容外物干  
正使有為終淡泊  
未能無疾已輕安  
寸陰息念如年永  
丈室端居抵海寬  
老子爾來深達此  
却嫌兒女話團圞

晨起

初聽高枝鴨鵝鳴，旋聞深井轆轤聲。  
煙籠小閣猶疑雨，日射東窗頓作晴。  
古洗注湯供潁濯，春畦摘菜助魚烹。  
老人頽惰雖堪笑，終勝胷中懷不平。

出遊

九日陰霾一日晴，此行處處是丹青。  
斷雲零落江郊路，壽木輪囷古驛亭。  
饒婦微行望畊隴，漁歌相和起煙汀。  
拔山意氣今何在，猶有遺祠可乞靈。

路過項羽祠

又

近過父老遠尋僧病起經行力漸增  
織室跼機鳴軋軋  
稻陂瀦水築登登  
淺深村落時分徑  
高下川原自作層  
薄莫到家還熟睡  
隔林鐘鼓報晨興

又

吳地清明未減寒  
梨花初動杏花殘  
平沙漫漫人爭渡  
微雨蕭蕭客跨鞍  
野寺吹螺作春會  
山郵糴米具朝餐  
已開九帙吾何覲  
時說金丹強自寬

又

東阡南陌適逢晴  
小蹇輕裝短作程  
白水滿陂秧馬躍  
綠陰遶舍緯車鳴  
過村小婦憑牆看  
入寺高人攬袂迎  
荆倩東風吹柳絮  
放翁詩到此時成

曳杖

曳杖徜徉徐行轉  
曲廊病知貪酒害  
老悔愛花狂庭樹  
雲收影簾旌雨浥  
香悠然有佳處物  
我兩相忘

自詠

曾著杞菊賦自名桑苧翁常開羅爵網不下釣魚筒租

稅先期畢陂塘與衆同士章八十字世世寫屏風

予寫孝經

士章八十四字為屏風

雜興

謀生在衣食不仕當作農識字讀農書豈不賢雕蟲婦  
當娶農家養蚕事炊春晨耕候春扈夜織驚秋蛩畦蔬  
勝肉羹社酒如粥醲毋為慕朝幘諂笑求見容

又

家世本臞儒自奉至儉薄肉食固難期間亦闕鹽酪賓  
朋飯芋豆時節羹藜藿偶然設鷄豚變色相與作家居  
常守此自計豈不樂蔬園畏蹴蹋切勿思大嚼

又

家本徙壽春遭亂建炎初南來避兵燹乃復遇窮途于  
時髡兩髦幾不保頭顱亂定不敢歸三載東陽居人事  
固難料今乃八十餘努力未死間讀我先人書

又

讀詩讀七月治書治無逸王業與農功事異理則一此  
外復何為齊民有遺術一飽不啻足切勿為利誅大屋  
起道傍百鬼闕其室曷不觀陸翁食菜開九帙

又

三吳氣候異開歲固多雨今年已莫春霽日僅可數寒  
氣薄腠理沉痛結心膺遣奴買藥物日夜事炮煮端居  
情懷惡欲出泥淖阻安得平生歡駕言問良苦

雜感



病臥踐衰境躬畊歸故園  
怒蛙號廢沼妖鵬嘯荒村里  
巷魚飡薄坊場黍酒渾相逢  
欲話舊意極轉忘言

又

道進身垂老方靈病已侵  
知難逃死籍猶得遂歸心  
星斗開孤劒塵埃拂素琴  
妄庸常衮衮誰與論幽深

又

雨霽花無幾愁多酒不支  
淒涼數聲笛零亂一枰碁  
蹈海言猶在移山志未衰  
何人知壯士擊筑有餘悲

又

草徑纔容步茅廬僅庇床  
原貧道尊顯回天死芬芳  
誦喧清曉鉏耰滿夕陽  
此風能不墜韋布亦何傷

又

早仕讒銷骨遲歸悔噬臍  
短衣猶掩脰窮巷固多泥  
婢喜蠶三幼鄉中謂蠶眠為幼  
奴貪雨一犁  
衡茅明我眼刮膜謝

金篦

又

春晚晴還雨杯深醉復醒  
溪添半篙綠山可一窗青  
藥品隨長鑱花名記小屏  
閒身幸無事吟嘯送餘齡

兩麀

吾園畜兩麀善驚未易馴  
及今纔幾時弭耳常依人  
飢食園中草渴飲溝澗濱  
時時輟餘糧亦未耗吾困  
吏或無佳政盜賊起齊民  
孰能撫以德坐還三代醇

書感

疋馬曾為塞上游東歸幾見剡川秋  
故城廢市古今歎

斷角殘鐘朝莫愁，尺寸無功真碌碌。  
耄期未死轉悠悠，阿奴尚喜強人意。  
三日於菟氣食牛。

開孫以二月二十日拏晬盤

書意

萬事馬牛風蕭然，破屋中忍貧增力量。  
耐辱見神通，道進天魔散。心安客疾空，微言施魚鳥。  
一一脫池籠。

讀唐書

力行可使金如土，篤好能徠馬若龍。  
斗米三錢本常事，風雲千載自難逢。

雜題

貧中得味如飧蔗語下明心似到鄉對客欲譚渾忘却  
笑呼童子替燒香

又

半飽半飢窮境界知晴知雨病形骸軒昂似鶴那求料  
枯槁如僧不赴齋

又

傳家只要存書種學道當知養聖胎寧使終身遷比景

莫令一物汙靈臺

又

大兒都門久栖栖  
小兒調官今復西  
鄰家父子我所羨  
泥水沒膝扶畊犁

栽牡丹

攜鋤庭下斲蒼苔  
墨紫鞓紅手自栽  
老子龍鍾逾八十  
死前猶見幾回開

夜聞姑惡

學道當於萬事轉可憐力淺未忘情孤愁忽起不可耐  
風雨溪頭姑惡聲

哭開孫

學步漸扶床藥車已駕羊虛稱砌臺使不遇玉函方杳  
杳天難問茫茫夜正長寂寥誰伴汝蕭寺閉空房

晚春東園作

雨餘木葉綠成陰一日身閒直萬金習氣自嫌除未盡  
鳥啼花落尚關心

又

女郎花開春事闌  
王孫草長思婦歎  
蜂釀蜜脾猶未熟  
雨催梅頰已微丹

禽聲

布穀布穀天未明  
架犂架犂人起畊  
宦途不似農家樂  
東作西成過此生

秦皇酒瓮下垂釣偶賦

酒瓮山邊古釣磯  
沙鷗與我共斜暉  
目前雖有小得喪



天下豈無公是非  
滄海橫流何日定  
古人復起欲誰歸  
道邊醉倒君奚憾  
豈失風塵一布衣

出遊歸鞍上口占

渺渺煙波飛檣去  
迢迢桑野策驢還  
寄懷楚水吳山外  
得意唐詩晉帖間  
每惜好春如我老  
誰能長日伴人閒  
世間自是無兼得  
勛業元非造物慳

閒詠

本志常思退  
前緣剗得閒  
聽猿來剗縣  
采藥上稽山  
超

絕風塵表瑩然冰雪顏向來香火地五綴羽衣班

雨

曉望橫斜映水亭莫看飄灑溼簾旌不嫌平野蒼茫色  
實厭空堦點滴聲上策莫如常熟睡少安毋躁會當晴  
且將穡事傳童稚未插秧時正好耕

立夏

赤幟揔城扉東君整駕歸泥新巢燕鬧花盡蜜蜂稀槐  
柳陰初密簾櫳暑尚微日斜湯沐罷熟練試單衣

孤寂

晚境諸兒少在傍書堂孤寂似僧房家居不減旅懷惡  
夏夜尚如寒漏長數筍齏甘淡薄半盂麥飯喜豐穰  
愚儒幸自元無事日課朱黃自作忙

明日觀孤寂詩不覺大笑作長句自解

獨處將如長夜何直將寂默養天和愛身不惰如懷璧  
守氣無虧似塞河塵篋空存獲麟筆煙波嬾和飯牛歌  
年來勛業君知否轟下新降百萬魔

初夏出遊

早緣疎拙遂歸畊晚為沉緜得養生  
藥鑱釣竿綠已熟海村山寺眼偏明  
安西萬里人何在廣武千年恨未平  
但使蓮峰歸路穩亦無閒手揖公卿

又

平生與世曠周旋惟有清遊意獨便  
小竈炊菰山市口束芻秣蹇海雲邊  
春融恨欠舒長日秋爽已悲搖落天  
首夏清和真妙語為君誦此一欣然

又

泥黥襍鞵雨墊巾閒遊又送一年春  
長歌聊對聖賢酒  
羸病極知朝莫人廢堞荒郊閒吊古  
朱櫻青杏正嘗新  
桃源自愛山川美未必當時是避秦

自詠

龜屋裁小冠鹿皮製短裘  
陸駕少游車水泛淵明舟  
山澤與城市有路即可遊  
或時一飯去間亦旬日留  
方見草木萌忽已天地秋  
淘丹雲澗冷采藥乳穴幽  
逢人亦

欣然有問乃不酬摩挲金銅人千載寄悠悠

五更聞雨思季長

幽鼓鳴姑惡高樹號杜宇驚回千里夢聽此五更雨展  
轉窗未明更覺心獨苦天涯懷故人安得揮兩羽

醉中作

小市鐘聲斷高樓月色新醉眠當大路狂舞屬行人有  
客要元亮無妻諫伯倫山花信手揮不復惜烏巾

溪園

跌宕欲忘形溪園半醉醒靜看猿哺果閒愛鶴梳翎矮  
榻水紋簾虛坐山字屏更須新月夜風露對青冥

初夏閒居

雲液初筍小瓮香風漪乍展北窗涼巢乾燕乳蟲供哺  
花過蜂閒蜜滿房閉戶不知春已去鈔書但覺日方長  
所嗟詩思年來減虛負奚奴古錦囊

又

川雲漠漠雨冥冥濁酒閒傾不滿瓶  
蚕簇尚寒憂繭薄

稻陂初滿喜秧青  
王師護塞方屯甲  
親詔憂民已放丁  
病起自憐猶健在  
不須求應少微星

又

松棚黯黯接虛堂  
埽地燒香旋置床  
密葉留花供淺酌  
斷雲障日作微涼  
高城薄暮聞吹角  
小市豐年有戲場  
白首史官閒盡歲  
祇將搜句畱流光

又

城上朱旗夏令初  
溪頭綠水蘸菰蒲  
花貪結子無遺萼



燕接飛蟲正哺雛  
簫鼓賽蚕人盡醉  
陂塘移稻客相呼

鄉中謂備  
畊者為客

長安青蓋金羈馬  
也有農家此樂無

又

啜茗清風兩腋生  
西竺雅具愜幽情  
薰衣過後篝爐冷  
展卷終時嬾架橫  
巢燕何曾擇貧富  
鳴鳩元不為陰晴  
但能與物俱無著  
小草新詩取次成

又

野水楓林久寄家  
慣將枯淡作生涯  
小樓有月聽吹笛

深院無風看磴茶靜岸葛巾穿薈蔚閒拖筇杖入谿谿  
平居每與兒孫說切勿人前一語誇

又

水邊茆屋兩三間野叟幽人日往還兩卷硬黃書老子  
數峰破墨畫廬山功名會上元須福生死津頭正要頑  
試說龜堂得力處向來何啻半生閒

又

煮酒青梅次第嘗啼鴛乳燕占年光蚕收戶戶縑絲白

麥熟村村搗麴香民有袴襦知歲樂亭無桴鼓喜時康  
未嘗一事橫胸次但曲吾肱夢自長

子坦今秋鹽官市征當滿作絕句寄之

八十老翁頭似雪柯橋送汝淚頻揮殘年豈料猶強健  
却向柯橋接汝歸

子適調官得永平錢監待次甚遠寄詩寬其意蓋  
將與之偕行也

黃紙起家陞仕籍青衫遡闕拜恩光署銜汝勿憎銅臭

就養吾方喜飯香世事極知多倚伏人生正要小回翔  
但令父子常相守歛版扶犁味總長

送韓立道守池州

千里江山控上流省郎懷綬去為州才華故在諸公右  
談笑遙分聖主憂月墮麗譙喧鼓角雨餘綠野徧鋤耰  
萬家歌舞春風裏秋浦如今不似秋

野興

寓館無常地輕裝不宿謀迷途問畊叟過渡上漁舟野

飯香炊玉村醪滑  
瀉油還家亦無事  
隨處送悠悠

又

小雨迎藜杖  
微風入葛巾  
寧甘結襪系  
不作拜車塵  
施藥鄉鄰喜  
忘機鳥雀馴  
家山又初夏  
好在不貲身

又

山豁逢孤寺  
林窮渡小溝  
松聲亂僧梵  
雨點雜魚遊  
早暮三軍帥  
金章萬戶侯  
人生各有願  
未肯換扁舟

又

去去歷山村行行竝廟垣湍流鱸魚小仄徑鮮花繁白  
鷺飛如導青蘿險可捫歸途不寂寞迎笑有諸孫

東竺雜書

吾廬雖甚陋窗扉亦疎明開卷冬日暝曲肱暑風清昨  
日一鳥鳴今日一木榮欣然與之接悲慨何由生

又

吾貧無時醒日月忽遄邁空林春采蕘荒隴秋種稗孤  
學有自來餓死奚足怪著書充棟宇一字不肯賣

又

負負無可言上上不須說天壤大如許我獨身孑孑苟  
合不可為萬事聽瓦裂年登麥飯足得酒且勤歡

又

有客可劇談有酒可盡醉老夫老更窮終日惟坐睡既  
無客欸門酒亦未易致頽然北窗下兀兀有餘味

又

下帷聽雨聲開戶延月色霏霏半篆香湛湛一池墨徐

行舒血脉危坐學踵息吾聞諸先賢養生莫如嗇

又

門低不通車室隘劣容膝掩脰無全衣作字用拙筆親  
朋孰可望門內自相恤一笑語吾兒汝馭未須叱

又

區芋常願雨秧菜常願晴吾兒行渡江晨起愁風生人  
生各徇私夫豈造物情孰能均此意萬里皆春畊

又



吾居魚鱉鄉戒食兼鮮薨雞鶩以御客乃者亦一埽區  
區仁愛心殆可質蒼昊物情豈遠哉我亦吝肝腦

又

蓺花恨不茂雜草欲其盡心常墮貪愛否則近殘忍蝶  
網猶翩翾蚓斷更菌蠢君其等觀之何者非可閔

又

藥與疾相當何恙不能已良醫善用藥疾去藥亦止晨  
晡節飲食勞佚時臥起藉白米長生耄期直易爾

又

養生有妙理省事與寡言于此能力守衆說皆其藩擾  
擾斲汝本詭詭傷汝魂要當俱置之息深踵自溫

又

學者學聖人斯須不容苟百年樂簞瓢千載仰山斗家  
庭盛弦誦父子相師友但令書種存勿媿畊壠畝

梅市

沙際人家半掩扉借炊小住不相違水生溪面大魚躍

風定草頭雙蝶飛  
竹院遊僧聞鼓集  
煙畦老圃荷鋤歸  
浩然物外真堪樂  
回首浮生萬事非

初夏幽居

日長巷陌曬絲香  
雨霽郊原割麥忙  
小擔過門嘗冷粉  
微風解籜看新篁  
傍籬鄰婦收魚筍  
叩戶村醫送藥方  
欲到湖邊還嬾動  
悠然扶杖立斜陽

又

虛堂一幅接離巾  
竹樹森疎夏令新  
瓶竭重招麴道士

牀空新聘竹夫人寒龜不食猶能壽弊帚何施亦自珍  
枕簟北窗寧有厭小山終日對嶙峋

又

野草幽花無歇時一窗終日對東籬病猶獨醉雖堪笑  
老未全衰亦自奇古紙硬黃臨晉帖矮牋勻碧錄唐詩  
箇中疑是忘憂處問著山翁却不知

又

東園梅熟杏初丹老子披襟每不冠古硯坡陀麝煤綠

小山蔥蒨石盆寒移床剗欲眠松塢鼓枻還思泊蓼灘  
未用絲毫辨差等黃塵終勝客長安

泛舟至近村茅徐兩舍勞以尊酒

小舸悠颺亦樂哉迢迢故取北村回山從樹外參差出  
水自城陰曲折來樂歲共忘東作苦殘租不待急符催  
舊鄰父老睽離久喚取開顏把一盃

再次前韻

少壯即今安在哉輕舟訪舊莫輕回兒童擁岸迎舟入

婦女窺籬喜客來多難只成雙鬢改流年更著莫笳催  
放懷魚鳥平生事少住茅檐盡此盃

題陳伯予主簿所藏秦少游像

晚生常恨不從公忽拜英姿繪畫中妄欲步趨端有意  
我名公字正相同

入梅

并序

吳俗以芒種後得壬日為入梅今年正以此日  
重雲蔽天比夜乃雨父老以為有年之候賦詩

以識之

今年入梅日雲脚垂到地  
芬香小麥麩展轉北窗睡  
甲夜聞雨聲起拜造物賜  
三登于此卜一飽可坐致  
語兒高爾困戒婦豐爾饋  
擊壤歌太平門無督租吏

北窗雨中作

鬱蒸作不解風雨來有信  
豈惟窗戶清更喜草木潤  
簡編既陳前燈火亦可近  
跂予望聖賢傾河洗驕吝  
扶衰幸未死吾道其少進  
安得平生歡懷抱為君盡

戲書觸目

狸奴閒占薰籠臥燕子橫穿翠徑飛我亦人間好事者  
憑闌小立試單衣

四月二十八日作

四月欲盡五月初九十未及八十餘開口何曾談世事  
收身且復愛吾廬

又

行徧人間病不禁鬚毛飽受雪霜侵茅檐一夜蕭蕭雨



洗盡平生幻妄心

劔南詩彙卷六十六